

PENDERMAAN ORGAN



*Anugerah
Kehidupan*

Dermalah organ
demi sebuah kehidupan

Anugerah Kehidupan yang tak ternilai

Isu mengenai kematian serta pendermaan organ adalah sesuatu yang sukar untuk diperkatakan. Apatah lagi untuk mereka yang kehilangan orang yang tersayang. Ia juga merupakan perkara yang rumit bagi kakitangan perubatan yang sentiasa berusaha untuk menyelamatkan nyawa seseorang pesakit. Keputusan untuk mengizinkan pendermaan organ dan tisu seseorang yang disayangi apabila beliau meninggal dunia, bukan sesuatu yang mudah. Ia membangkitkan beberapa kemusykilan bagi keluarga simati. **Untuk meringankan beban mental keluarga kita semasa kematian, haruslah kita membuat pengakuan persetujuan untuk menderma organ dan tisu semasa hayat kita.**

Dengan mendaftarkan diri kepada **Daftar Penderma Organ Nasional**, anda akan membenarkan organ dan tisu anda digunakan bagi tujuan transplan, selepas anda meninggal dunia. Ini akan mengubahkan kehidupan beberapa orang yang mengalami kegagalan organ supaya menjadi lebih selesa dan sempurna serta dapat menyelamatkan nyawa mereka dari maut.

Kita sedar bahawa isu pendermaan organ dan tisu adalah suatu isu yang menimbulkan banyak persoalan. Oleh itu, berikut adalah penjelasan kepada beberapa persoalan yang sentiasa ditimbulkan.

Siapakah yang layak menjadi penderma?

Sesiapapun, sama ada tua ataupun muda boleh mendaftar sebagai penderma organ dan tisu. Walaubagaimanapun mereka yang berusia kurang daripada 18 tahun perlu mendapatkan kebenaran ibubapa atau penjaga terlebih dahulu.




Apakah itu **pendermaan organ?**

Itu adalah proses mendermakan bahagian tubuh badan seseorang untuk tujuan transplan selepas ianya meninggal dunia.

Transplantasi (Permindahan Organ) adalah suatu pembedahan yang melibatkan pertukaran organ atau tisu yang mengalami kegagalan fungsinya dengan organ atau tisu yang berfungsi dengan lebih memuaskan daripada seseorang penderma yang telah meninggal dunia. Dengan cara ini, maka kehidupan penerima organ atau tisu itu akan menjadi lebih selesa dan sempurna serta nyawanya akan terselamat. Pendermaan organ dan tisu adalah satu amalan kemanusiaan yang mulia.

Apakah **organ dan tisu** yang boleh didermakan?

Pada umumnya organ-organ yang boleh didermakan adalah **buah pinggang, jantung, hati (hepar), paru-paru dan pankreas**. Tisu-tisu yang boleh didermakan adalah **mata, tulang, kulit dan injap jantung**. Ini bermakna, seseorang penderma akan dapat mengubah kehidupan serta menyelamatkan beberapa orang pesakit.



Bilakah organ dan tisu sipenderma itu diperolehi?

Proses perolehan organ dan tisu daripada tubuh seseorang penderma itu hanya akan dilakukan apabila kematiannya telah disahkan oleh dua orang doktor yang bertauliah. Doktor-doktor yang terlibat dengan pengesahan kematian seseorang penderma itu adalah bebas dan tiada kaitan dengan pemindahan organ dan tisu.

Adakah perbezaan rawatan jika diketahui anda adalah seorang penderma?

Tidak! Doktor-doktor yang merawat anda akan berusaha sedaya mungkin dengan mengambil semua tindakan serta langkah yang diperlu untuk menyelamatkan nyawa anda. Persoalan mengenai pendermaan organ dan tisu akan dibincangkan dengan waris anda hanya selepas kematian telah disahkan.

Adakah terdapat bantahan dari sudut agama?

Tiada! Kebanyakan agama di seluruh dunia seperti Islam, Kristian, Buddha, Hindu dan Sikh mengiktirafkan pendermaan organ dan tisu sebagai satu amalan yang mulia.



Bagaimana **organ** perdermaan itu **dipindahkan?**

Proses pemindahan organ dan tisu membabitkan suatu pembedahan yang bersih dan sucihama. Pembedahan ini dijalankan di dewan bedah hospital oleh pakar bedah yang berpengalaman. Perolehan organ serta tisu seseorang penderma ini tidak akan menjejaskan rupa dan bentuk tubuh badannya. Selepas organ dan tisu diperolehi luka pembedahan itu akan dijahitkan dengan sempurna dan jenazah sipenderma ini tidak akan mengalami apa-apa kecacatan fizikal. Segala proses pembedahan pemindahan ini dijalankan dengan rasa penuh hormat dan tertib sepertimana pembedahan-pembedahan biasa.



Bagaimana jika anda **berubah** fikiran menderma?

Pendermaan organ adalah suatu niat yang tulus ikhlas dan anda berhak untuk membatalkan hasrat ini pada bila-bila masa. Tiada sesiapaupun yang dipaksa untuk menderma organ dan tisu selepas kematian. **Sekiranya anda menukar fikiran untuk tidak menderma organ dan tisu, anda hanya perlu memberitahu keluarga anda mengenainya dan memulangkan kad penderma organ anda kepada kami.**

Adakah proses pendermaan organ akan **melambatkan** urusan pengkebumian jenazah?

Tidak! Urusan pengkebumian boleh dijalankan seperti biasa. Selepas organ dan tisu diperolehi dari tubuh penderma maka jenazahnya akan dibersihkan, dikhafankan dan dipulangkan kepada waris penderma secepat mungkin. **Proses perolehan organ dan tisu tidak akan menjejaskan adat pengkebumian seperti upacara penghormatan kepada jenazah.**

Bagaimanakah anda **berhajat** untuk menjadi seorang **penderma organ?**

Anda perlu mengisi borang akuan penderma dan kad penderma. Borang yang telah dilengkapkan perlu dihantar kepada Pusat Sumber Transplan Nasional, sementara kad penderma anda hendaklah disimpan dalam dompet dan dibawa bersama anda pada setiap masa.

ANDA DINASIHATKAN UNTUK MEMAKLUMKAN HASRAT ANDA UNTUK MENJADI SEORANG PENDERMA ORGAN DAN TISU KEPADA KELUARGA ANDA.

Ini akan memudahkan serta melicinkan proses mendapatkan keizinan perolehan organ dan tisu selepas kematian anda kelak.

Terima Kasih

kepada semua
Penderma Organ
kerana mengembalikan
senyuman kepada
kami

UNTUK MAKLUMAT LANJUT
Pusat Sumber Transplan Nasional, Hospital
Pusat Sumber Pendermaan Organ, Hospital
Pusat Sumber Transplan, Hospital Pulau Pinang
Pusat Sumber Transplan Negeri Johor, Hospital
Hotline (03-7332 2222)



Jadilah Seorang Penderma Organ



DI MANA SAHAJA, SILA HUBUNGI :

Kuala Lumpur (03-27191 066/2694 2704)

Ipoh (05-522 2324/253 3333 Ext. 2324)

Shah Alam (04-200 2435/229 3333 Ext. 435)

Malisa Sultanah Aminah (07-2231 666 Ext. 2751)

(03-719 1066)

diorganisasikan oleh
Agensi Kesihatan
Organ Malaysia
(03-719 1066)

